



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regularis Ord. S. Augustini De Imitatione Christi Libri Quatuor

Thomas <von Kempen>

Coloniæ, 1723

Elogia Magnorum Virorum De Hisce Libris, Qvi Olim, maximè in Italia,
Joanni Gersoni falsò inscribentur. B. P. Ignatii Loyolæ Societ. Jesu
fundatoris.

[urn:nbn:de:hbz:466:1-45773](https://nbn-resolving.org/urn:nbn:de:hbz:466:1-45773)




ELOGIA
MAGNORUM
VIRO RUM

DE

HISCE LIBRIS, QUI OLIM,
maximè in Italia, JOANNI GER-
SONI *falsò inscribebantur.*

B. P. IGNATII LOYOLÆ
Societ. JESU fundatoris.

*Ludovicus Gonzalez in Actis B. IG-
NATII summâ diligentia rogatu
Joannis III. Lusitaniæ Regis an-
notatis, quæ manuscripta Romæ in
domo Professa asservantur, ita te-
statur:*

 Olitum fuisse sanctum Pa-
trem quotidie legere unum
caput ex libello Joannis
Gersonis: & quidem unum
eo ordine, quo in eo disposita sunt
capita. A prandio verò, & aliis horis,
foli-

solitum alterum caput evolvere ,
quod veluti casu , aperto libello sine
ullo foliorum discrimine obtigisset :
semperque invenisse in eo materi-
am , presenti animi statui accom-
modatam , & quam ipse beatus Pa-
ter eo tempore in animo impressam
haberet , adeoque familiarem ei fu-
isse istum libellum , ut moribus suis ,
verbis , motibus , actionibus denique
omnibus , salutaris illius libri docu-
menta perfectissime exprimeret ; ut
qui cum beato Patre assidue versa-
bantur , agnoverint in ejus vita vi-
vam imaginem expressam Joannis
Gersonis , cujus lectionem commen-
dabat omnibus quibuscum tra-
ctabat.

Petrus Ribadeneira libr. 1. cap. XIII.
Vita B. P. IGNATII.

Thomæ de Kempis de Imitatio-
ne Christi libello plurimum
utebatur , illiusque lectionem
valde semper probavit , atque ita il-
lius libri spiritum & doctrinam
hanc

hanc tam avidè arripuit , tam perfectè in se expressit , ut (multorum iudicio) IGNATII vita solida quædam , eminens ac viva esset imago eorum præceptorum omnium, quæ aureo illo libello continentur.

*Nicolaus Orlandinus par. I. lib. 5.
Histor. Societatis JESU,
num. 9.*

Quo domum receptus est die Hieronymus Natalis, monuit beatus IGNATIUS , ut biduo post ministrare coquo & hortulano inciperet , & quotidie caput ex Gersone , in quo meditaretur, legeret : tum alia capita , ut necessitas vel infirmitas postularet. Idque dixit beatus Pater cum mirifica (uti semper solebat) laude ejus libelli : addens, fore, quod in se ipse quidem esset expertus , ubi etiam fortuito aperiret , ut quæ præsentī necessitati convenientia essent, occurrerent.

CAR-

CARDINALIS BELLARMINI.

Ipse de se in libro de Scriptoribus Ecclesiasticis, in Joanne Gersone.

Opusculum est utilissimum, & jure in tota Ecclesia summo omnium consensu receptum & frequentatum, & in omnes linguas conversum. Ego certè ab adolescentia & usque ad senectam, hoc opusculum sæpissimè volvi, & revolvi: & semper mihi novum apparuit, & nunc etiam mirificè cordi meo sapit.

REGIS MAURITANIÆ.

*Henricus Sommalius Societatis JESU
in epistolâ ad Leonardum Bette-
nium Cœnobii S. Trudonis
Abbatem.*

Quanta sit hujus libelli dignitas, quâ se omnibus longè latèque probavit, vel ex hoc liquido patet: quod post sacros codices, nullus tam crebro typis fuerit excusus: nullus tam cupidè ab omnibus experitus ac

lectitatus, à summis, mediis, infimis: nullus qui in tam varias sit linguas transfusus, atque omnium calculis approbatus. Referam hic, quod nili gravissimis testimoniis niteretur, incredibile videri posset. Cum quidam è Societate JESU ante annos plus minus duodeviginti, Argirium Mauritaniae profectus fuisset, pretium redemptionis captivorum laturus; Rex, qui aliquando Christianus fuerat, eum in suam duxit Bibliothecam, varia librorum suppellectili instructam: varios hic illi codices visendos porrigit, atque in his librum de Imitatione Christi, vulgari Turcarum lingua conversum, adjecit autem, pluris se unicùm illum facere, quàm reliquos omnes Mahumetanorum.



DE